

N<sup>o</sup>. XL.

(Ad pag. 208.)

*Lettre de G. Schetz et d'Elbert Léonin aux Etats-Généraux.*

---

*Brief van G. Schetz en Elbertus Leoninus aan de Staten-Generaal.*

(Ex. M. S. *Acta Statuum Belgii*, t. 1, p. 365.)

**MESSEIGNEURS!**

Nous sommes arrivé en ceste ville devant hier apres disner, et hier est survenu Monseigneur le Prince d'Oranges avecque quatre Deputez de Hollande et Zelande; et avons hier après disner commenché à communiquer, et depuis ce jourd'huy continué avecque tel succes, que les licentes et aultres semblables charges cesseront depuis le XVI<sup>e</sup> de ce mois, demeurant seulement le Convoygelt, necessaire, comme ils disent, pour preserver les batteaulx et marchandises pour quelque temps contre les pirates, et dict que le Convoygelt susdict sera si petit, que les marchants ne seront point notablement interessez. Sur les aultres poincts avons generalement discourru, et delivrons iceulx audict Sr. Prince ce jourd'huy par escript, pour rapporter responce par escript, affin de non tomber cy après en quelque different. Quant à la restitution de la ville du Nyeport, ledict Prince dict qu'il ne fera difficulté, quand ses gens, envoyez en assistance des Estatz, seront payez, comme aussy il ne fera difficulté de laisser demouler le fort de Nyeuwgastel, quand les Allemans sortiront. Le Prince avecq ceulx d'Hollande et Zelande n'at levé personne, mais ne fait journellement que casser gens et batteaulx de guerre; les françoys

( 559 )

sont desja renvoyez. Le dict Prince nous a dict et assez juré, que ne fera guerre à nous aultres s'il ne soit premièrement envahy de notre part. Et esperons que, non obstant quelques difficultez, l'on pourra maintenir la Pacification et repos publicque avecq l'ayde de Dieu, lequel prions vous Mess<sup>rs</sup> maintenir en sa Sainte garde.

De St. Gertrudenberg, ce XIII<sup>e</sup> de May 1577.

De Voz S<sup>rs</sup> humbles Serviteurs,

G A S P A R S C H R T Z

et

R L B E R T L E O N I N U S .

A Messeigneurs,  
Messieurs les Deutez des Estatz  
Generaulx, assemblez à Bruxelles.  
Recepta XVI<sup>e</sup> May 1577.

---